


金鏡内臺方議

七之十二

武 9
607
3止



門中武
卷 607
卷 9止



金鏡內臺方議卷七

四逆湯 五十七

治下利清谷三陰厥逆惡寒脈沈而微者此方主之此乃溫經救陽之峻藥也

附子

一枚

乾薑

一斤

甘草

二兩

右三味以水四升煮取二升去渣溫服

湯議

議曰病在於表之陽者葛根湯麻黃湯可汗之病在於表之陰者桂枝湯麻黃附子細辛湯可汗之病在於裏之陽

建安許

九折堂山田
藏書之記



者。大小承氣湯。大柴胡湯。皆可下之。病在於裏之陰者。四逆湯。白通湯。真武湯。皆可溫之。今此四逆湯。乃治病在於裏之陰者用也。且下利清谷。脈沉無熱。四肢厥逆無熱。脈微。陽氣內虛。惡寒。脈弱。大吐。大下。元氣內脫。若此諸證。但是脈息沉遲微瀋。虛脫不飲水者。皆屬於陰也。必以附子為君。以溫經濟陽。以乾薑為臣。輔佐之。甘草為佐。為使。調和之藥。而散其寒也。內經曰。寒淫於內。治以甘熱。又曰。寒淫所勝。平以辛熱。乃附子之熱。乾薑之辛。甘草之甘是也。

四逆湯証

少陰病。脈沉者。急溫之。宜四逆湯。

大汗。若大下利。而厥逆者。宜四逆湯主之。

大汗出。熱不止。內拘急。四肢疼。反下利。厥逆而惡寒者。四逆湯主之。

下利。腹脹滿。身疼痛者。先溫其裏。乃攻其表。溫裏宜四逆湯。攻表宜桂枝湯。

吐利。復汗出。發熱惡寒。四肢拘急。手足厥冷者。四逆湯主之。吐利。小便復利。而大汗出。下利清谷。內寒外熱。脈微欲絕者。四逆湯主之。

脈浮而遲。表熱裏寒。下利清谷者。四逆湯主之。少陰病。欲食。入口則吐。心中溫。欲吐。復不能吐。始得之手

足寒脈弦遲者。此胸中實。不可下也。當吐之。若膈上有寒飲。乾嘔者。不可吐也。急溫之。此屬四逆湯。自利不渴。屬太陰。以其藏寒故也。宜四逆湯。傷寒醫下之。續得下利。清谷不止。身疼痛。急當救裏。後身疼痛。清便自調者。急當救表。救裏宜四逆湯。救表宜桂枝湯。

四逆加入人參湯 五十八
治霍亂惡寒。脈微而復利。利止亡血也。此方主之。

四逆湯加入人參一兩

右如法

湯議

議曰。霍亂後尚惡寒而脈微。又復利者。陽虛陰勝也。若利止則津液內竭。故云亡血。與四逆湯以溫經復陽。加入人參以生津液也。

當歸四逆湯

治手足厥寒。脈細欲絕者。此方主之。

當歸

桂枝

細辛

白芍藥 各三兩

甘草

通草

各二兩 大棗 二十枚

右七味。以水八升。煮取三升。去滓溫服。

湯議

議曰。陰血內虛。則不能榮於脈。陽氣外虛。則不能溫於四

末。故手足厥寒。脈細欲絕也。故用當歸為君。以補血。以芍藥為臣。輔之。而養榮氣。以桂枝細辛之辛。以散寒。溫氣為佐。以大棗甘草之甘。而益其中。補其不足。以通草之淡。而通行其脈道與厥也。

當歸四逆加萊萸湯 六十

治手足厥寒。脈細欲絕。其人內有以寒者。

當歸四逆湯中加吳茱萸 三 生薑 八 兩

右如法

湯議

議曰。手足厥寒者。陽氣外虛。不溫。四末。脈細欲絕者。陰血

內虛。不榮於脈。故與當歸四逆湯。以養血固陽。若內有久寒之證者。加萊萸以散寒。生薑以溫經。行陽氣也。

四逆加豬膽汁湯 六十一

治吐已利止。汗出而厥。四肢拘急。脈微欲絕者。

四逆湯中加豬膽汁半合

右如法

湯議

議曰。霍亂病吐已利止。津液必內竭。則不當汗出。今又汗出而厥。四肢拘急。不解。脈微欲絕者。乃陽氣大虛也。陰氣獨勝也。若純與陽藥。恐為陰格拒。或嘔或燥。不能下咽。故

加猪膽汁之苦。入通心氣。而和肝膽。平陰陽。使無格拒也。
內經曰。微者逆之。甚者從之。此之謂也。
通脈四逆湯六十二

治少陰病下利清谷。裏寒外熱。手足厥逆。脈微欲絕。身
反不惡寒。其人面赤色。或腹痛。或乾嘔。或咽痛。或利止
脈不出者。此方主之。

附子一枚 乾薑三兩 甘草二兩

右三味。以水三升。煮取一升。去滓服。

此即四逆湯加乾薑一兩

不加減法

面赤色者。加蔥九莖。味辛。能通陽也。

腹中痛者。加白芍藥二兩。能安中補血。行榮止痛。

嘔者。加生薑二兩。生薑之辛。能止嘔散氣。

咽痛者。加桔梗一兩。桔梗能利咽下氣。

利止脈不出者。加人參二兩。利止脈不出者。亡血也。益氣行血。

湯議

議曰。下利清谷。手足厥逆。脈微欲絕。為裏寒也。身熱不惡
寒。面色赤為外熱。此陰盛於內。格陽於外。不能相通。故用
四逆湯中加生薑。以通內外之陰陽氣也。
茯苓四逆湯六十三

治發汗若下之病仍不解煩躁者此方主之。

附子一枚 乾薑一兩 甘草二兩 人參一兩

茯苓六兩

此即四逆湯中加人參茯苓也

右如法

湯議

議曰發汗若下之病當解若不解發汗外虛陽氣下之內虛陰氣陰陽俱虛邪獨不解故生煩躁也與四逆湯以復陽氣加入人參茯苓以復陰氣也

疑問

問曰四逆湯加減者共七方皆用乾薑附子為主獨當歸

四逆湯皆不用薑附何耶

答曰諸四逆湯用薑附者皆治其陽虛陰勝之證獨當歸

四逆湯治陰血虛微手足厥寒脈微欲絕者故用當歸為

主不用薑附此乃自陽而傳陰厥逆者之用也

白通湯六十四

治少陰病下利者此方主之

附子一枚 乾薑一兩 蔥白四莖

右三味以水三升煮取一升去滓溫服

湯議

議曰。少陰者腎水也。若脈沉微。下利無熱證者。乃少陰客寒。不能制腎水。故自利也。以附子為君。溫經散寒。加乾薑之辛熱。溫中益陽。加蔥白之辛。而通陽氣也。以此三味之劑。而治下利。若非內寒陰勝者。不可用也。

白通加豬膽汁湯六十五

治少陰病下利脈微者。與白通。利不止。厥逆無脈。乾嘔而煩者。此方主之。服湯已。脈暴出者死。脈微續者生。

白通湯中加豬膽汁一合童便五合

右如法。湯成內豬膽汁童便。和令相得。溫服。

湯議

議曰。少陰病下利脈微者。與白通湯。服之。利當止。若利不止。厥逆無脈。乾嘔煩者。乃寒氣太甚。內為格拒。使陽氣逆亂也。故加豬膽汁童便二物。以和其陰。內經曰。逆而從之。則格拒而解也。

附子湯六十六

治少陰病一二日。口中和。其背惡寒者。當灸之。宜此方主之。

附子二枚芍藥 茯苓各三人參二兩白朮四兩

右五味。以水八升。煮取三升。去滓溫服。

湯議

議曰。少陰之氣。上通於舌下。若有病。則口燥舌乾而渴。口中和者。是無熱也。背為陽。陽虛陰盛。則背惡寒也。經曰。無熱惡寒者。發於陰也。當冬之。宜冬背俞。與附子湯服之。以附子為君。溫經散寒。茯苓為臣。而泄水寒之氣。以白朮芍藥為佐。而益燥其中。以人參為使。而補其陽。以益其元氣。而散其陰邪也。

乾薑附子湯六十七

治下之後復發汗。晝日煩躁。不得卧。夜而安靜。不渴不嘔。無表證。脈沉微。身無大熱者。此方主之。

附子一枚 乾薑一兩

右二味。以水三升。煮取一升。去滓頓服。

湯議

議曰。大汗則表虛。大下則裏虛。既汗又下。表裏皆虛。陽主於晝。則陽虛不能勝邪。正邪交爭。故晝日煩躁。不得眠。陰主於夜。陽虛不能與之爭。是夜則安靜。不嘔不渴者。裏無熱也。身無大熱者。表無熱。又無表證而脈沉微。知陽氣大虛。寒氣勝。故用附子為君。以溫經復陽。乾薑為臣佐。以輔之也。經曰。寒淫所勝。平以辛熱。此湯是也。

朮附湯六十八

治傷寒八九日。風濕相搏。身體煩疼。不能自轉側。不嘔

不渴。脈浮虛而濇者。桂枝附子湯主之。若其人大便鞭。小便自利者。此方主之。

桂枝附子湯中。除桂枝。加白朮四兩方見前

右如前法

湯議

議曰。此方即桂枝附子湯中之法用也。已議在前十九條中詳矣。若其人大便難。小便自利者。此為風濕之證。故就本方中。去桂枝。加白朮。主之以治其濕也。考之金匱方中。止名朮附湯。以此正之。

真武湯六十九

治少陰病。二三日不已。至四五日。腹痛小便不利。四肢沉重疼痛。自下利者。此為有水氣。其人或咳。或小便自利。或下利。或嘔者。此方主之。

又太陽病發汗。汗出不解。其人仍發熱。心下悸。頭眩。身瞤動。振振欲擗地者。此方主之。

附子一枚 茯苓 芍藥各三兩 白朮二兩

生薑三兩

右五味。以水八升。煮取五升。去滓。溫服。加減見後。

湯議

議曰。少陰者腎也。真武者。北方之正氣也。腎氣內虛。不能

止水。故以此方止之。其病腹痛者。寒濕內勝也。四肢沉重疼痛者。寒濕外甚也。小便不利。又自下利者。濕勝而水谷不別也。或咳或嘔者。水氣在中也。故用茯苓為君。白朮為臣。二者入脾走腎。逐水祛濕。以芍藥為佐。而益脾氣。以附子生薑之辛為使。溫經散寒也。又發汗汗出不解。其人仍發熱。邪氣未解也。心下悸。頭眩。身瞤動。振振欲擗地者。為真氣內虛。而亡其陽。亦用此湯。正氣溫經。而復其陽也。

加減法

若咳者。加五味子半升。細辛乾薑各一兩。若下利者。去芍藥。加乾薑二兩。
氣逆咳者。五味子之酸。以收逆氣。水寒相搏。則咳。細辛乾姜之辛。以散少陰之水寒也。

若嘔者。去附子。加生薑足前成半斤。

氣逆則嘔。附子補氣。故去之。生薑散氣。故加之。嘔家聖藥。是生薑也。故近多用。

若下利者。去芍藥。加乾薑二兩。

芍藥酸。能泄氣。故去之。乾姜辛。能散氣。故加之。

若小便利者。去茯苓。

小便利者。則無伏水。故去茯苓之滲也。

金鏡內臺方議卷七

靈又附丸 平丸

金鏡內臺方議卷八

建安許弘集

梔子豉湯 七十

治發汗吐下後。虛煩不得眠。反覆顛倒。心中懊懣者。

肥梔子枚十四 香豉四合

右二味。以水四升。先煮梔子。減二升。內豉。取一升半。去滓。分二服。溫進。一服得吐。止後服。

湯戒

凡用梔子湯。病人舊微溏者。乃裏虛而寒在下也。雖煩。則非蘊熱。不可與服之。

內臺方議 卷八

湯議

議曰。汗吐下之後。邪熱不散。結於胸中。煩熱鬱悶。不得眠。謂之虛煩也。心惡熱。熱甚則必神昏。劇者。反覆顛倒而不可安。心中懊懣而憤悶。又非結胸痞證之比。而可下。此乃必用吐之而散也。經曰。其高者。因而越之。是也。故用梔子為君。其性苦寒。以湧宣其上膈之虛煩也。淡豆豉性平。能吐能汗者。用之為臣佐。以吐胸中之邪也。內經曰。氣有高下。病有遠近。証有中外。治有輕重。是也。瓜蒂散吐胸中實邪。梔子豉湯吐胸中虛邪者也。

梔子豉湯證

發汗吐下後。虛煩不得眠。若劇者。必反覆顛倒。心中懊懣。梔子豉湯主之。
發汗若下之。而反熱。胸中窒者。梔子豉湯主之。
傷寒五六日。大下之後。身熱不去。心中結痛者。未欲解也。梔子豉湯主之。
陽明病下之。外有熱。手足溫。不結胸。心中懊懣。饑不能食。但頭汗出者。梔子豉湯主之。
下利復更煩。按之心下濡者。為虛煩。梔子豉湯主之。
陽明病下之。胃中空虛。客氣動膈。心中懊懣。舌上胎者。梔子豉湯主之。

梔子厚朴湯 七十一

治傷寒下後。心煩腹滿。臥起不安者。此方主之。

梔子十四枚 厚朴四兩 枳實四枚

右三味。以水三升。煮取升半。去滓。分溫服。得吐止後服。

湯議

議曰。下後但腹滿而不心煩。即邪氣入裏。若心煩而不腹滿。即邪氣在胸中。屬梔子豉湯。今又煩而且腹滿。乃邪氣在胸腹之間也。煩而不能卧。滿而不能坐。故臥起皆不安。故用梔子為君。以吐其煩。厚朴為臣。枳實為佐使。二者之

苦。以泄腹滿也。

梔子乾薑湯 七十二

治傷寒醫以丸藥大下之。身熱不去。微煩者。主之。

梔子十四枚 乾薑二兩

右二味。以水三升。煮取升半。去滓。溫服。得吐者。止後服。湯議

議曰。丸藥下之。損正氣。不能除熱。邪氣反乘虛留於胸中。而未深入。故身熱不去。而微煩。故用梔子為君。以吐虛煩。用乾薑為臣佐。以安中正氣也。

梔子生薑豉湯 七十三

治梔子豉湯證中。若加嘔者。此方主之。

梔子豉湯中加生薑汁一兩

右如前法

湯議

議曰。心煩懊懣等證。與梔子豉湯。吐之則已也。若又嘔者。為熱氣搏逆不散。加生薑之辛。以散其氣。以止其嘔也。

梔子甘草湯 七十四

治梔子豉湯證中。若少氣者。主之。

梔子豉湯中加甘草半兩

右如法

湯議

議曰。懊懣心煩等證。屬梔子豉湯。已主之矣。若其人少氣者。為元氣虛乏。熱搏不能固也。加甘草之甘。以緩其中。而補氣也。

梔子栝皮湯 七十五

治傷寒身發黃。發熱者。

梔子^{十五個} 甘草 一兩 黃栝 二兩

右三味。以水四升。煮取二升。去滓。分溫服。

湯議

議曰。傷寒發黃者。有數等。已載前第二十二條中詳矣。今

內經補遺 卷八

此身黃發熱者。為表裏有熱。其熱未實。不可汗下。故與梔子為君。能瀉相火。去胃熱。利小便。黃柏為臣。能去鬱滯之熱。甘草為佐。為使。能緩其中。以瀉經中之熱也。

厚朴薑夏草參湯 七十六

治發汗後。腹脹滿者。此方主之。

厚朴 生薑各半 半夏二兩 人參一兩

甘草二兩

右五味。以水一斗。煮取三升。去滓溫服。

湯議

議曰。吐後腹脹滿者。為實。屬調胃承氣湯。下後腹脹痛者。

為有燥屎。屬大承氣湯。今此汗後腹脹滿者。為津液不足。氣滯不通。壅而為滿。為脾脹也。故用厚朴之苦。以泄腹滿。為君。生薑半夏之辛。以散滯氣為臣。人參之甘。生津液補不足。甘草之甘。以緩其中者也。

旋覆代赭石湯 七十七

治汗吐下解後。心下痞軟。噫氣不除者。此方主之。

旋覆花 甘草各三兩 人參 半夏各二兩

代赭石 生薑各五兩 大棗十二枚

右七味。以水一斗。煮取六升。去滓再煎。取三升溫服。

湯議

議曰。汗吐下後。大邪雖解。胃氣已弱而未和。虛氣上逆。故心下痞鞭。而噫氣不除。故與旋覆花。下氣除痰為君。以代赭石為臣。而鎮其虛氣。以生薑半夏之辛。而散逆氣。除痞散鞭。以為佐。人參大棗甘草之甘。而調緩其中。以補胃氣。而除噫也。

赤石脂禹餘糧湯 七十八

治傷寒服湯藥。下利不止。心下痞鞭。服瀉心湯已。復以他藥下之。利不止。復以理中與之。利益甚。理中者。理中焦。此利在下焦。此方主之。復利不止者。當利其小便。

赤石脂

禹餘糧

各一兩

右二味以水六升煮取二升去滓服

湯議

議曰。理中湯乃治中焦之泄也。今此下利。由此下而中虛下焦滑也。故用之不應。必與赤石脂之澁。為君以固其滑。瀋可去脫也。以禹餘糧重鎮固下焦。為臣佐重可去怯也。以此二味配合為方者。乃取其固澁。而治滑泄也。凡下利以固瀋之不止者。乃下焦清濁氣之不分。固當利小便以分其氣也。

吳茱萸湯 七十九

治厥陰病。乾嘔吐涎沫。頭痛者主之。

又少陰病吐利手足逆冷煩燥欲死者主之
又食谷欲嘔者屬陽明也吳茱萸湯主之得湯反劇者
屬上焦也

吳茱萸 四兩 人參 三兩 生薑 六兩 大棗 十二枚
右四味以水七升煮取二升去滓溫服

湯議

議曰乾嘔吐涎頭痛者厥陰之寒氣上攻也吐利手足逆
冷者寒氣內甚也煩燥欲死者陽氣內爭也食谷欲嘔者
胃寒不受食也以此三者之證共用此方以吳茱萸能下
三陰之逆氣為君生薑能散氣為臣人參大棗之甘能

緩氣和調者也故用之為佐使以安其中也

猪苓湯 八十

治渴欲飲水小便不利脈浮發熱者主之

猪苓 茯苓 澤瀉 阿膠 滑石 各一兩
右五味以水四升煮取二升去滓內阿膠烱消溫服

湯議

議曰猪苓湯與五苓散二方大同而異者也但五苓散中
有桂朮兼治於表也猪苓湯中有滑石兼治於內也今此
脈浮發熱本為表又渴欲飲水小便不利乃下焦熱也少
陰下利不渴者為寒今此下利渴又咳而嘔心煩不得眠

知非虛寒。乃實熱者。故用猪苓為君。茯苓為臣。輕淡之味。而理虛煩。行水道。澤瀉為佐。而泄伏水。阿膠滑石為使。鎮下而利水道者也。

湯戒

陽明病。汗出多而渴者。不可與猪苓湯。以汗多胃中燥。猪苓湯復利其小便也。

金鏡內臺方議卷八終

金鏡內臺方議卷九

建安許弘集

甘草附子湯八十一

治風濕相搏。骨節煩疼。掣痛不得屈伸。近之則痛劇。汗出短氣。小便不利。惡風不欲去衣。或身微腫者。此方主之。

附子一枚炮 甘草炙為君 白朮為一兩使 桂枝為一兩臣

右四味以水六升。煮取三升。去滓溫服一升。日三服。初服得微汗則解。能汗出復煩者。服五合。忌一升多者。宜服六七合為妙。

湯議

議曰。風則傷衛。濕流骨節。風濕相搏。兩邪亂經。故骨節疼
煩。掣痛不得屈伸。近之則痛劇。風勝則衛氣不固。汗出短
氣。惡風不欲去衣。為風在表也。濕勝則水氣不行。小便不
利。或身微腫。為濕氣內薄也。故用附子為君。除濕祛風。溫
經散寒。桂枝為臣。祛風固衛。白朮去濕為使。甘草為佐。而
輔諸藥。疎風去寒濕之禁方也。

甘草乾薑湯八十二

治誤汗煩躁吐逆而厥者。主之。

甘草四兩乾薑二兩
炮

右二味。以水三升。煮取升半。去滓溫服。

湯議

議曰。脈浮自汗出。惡寒者。為中風。今此又兼小便數者。心
煩脚攣急。為陰陽之氣虛。不可發汗。反與桂枝湯誤汗之。
得之便厥。咽中乾。煩躁上逆也。此乃不可汗。而誤攻其表。
榮衛之氣。虛傷所致也。故與甘草為君。乾薑為臣。二者之
辛甘合之。以復陽氣也。

芍藥甘草湯八十三

治誤汗傷血。則厥逆脚攣急。主之。

白芍四兩甘草四兩
炙

右二味以水四升。煮取二升。分温服。

湯議

議曰。大汗則傷血。若陰虛之人。汗之則誤也。必煩躁吐逆。四肢攣急。此乃不當汗而汗之。則陰虛血少所致也。故與白芍為君。而補榮血。炙甘草為臣。合而用之。以補陰氣也。甘草湯八十四

治少陰病二三日。咽痛者。主之。

甘草二兩

右一味。以水三升。煮取升半。去滓温服。

湯議

議曰。少陰之脈。循咽而止。寒熱相搏。不散而成咽痛。故與甘草一味。以泄咽膈之氣也。炙甘草湯八十五

治傷寒脈結代。心動悸者。主之。

甘草炙四兩 生薑

桂枝

麻子仁

麥冬各三兩 人參

阿膠各二兩

生地汁六合

大棗十二枚

右九味。以酒七升。水八升。同煎取五升。去滓內膠烱温服。

湯議

議曰。脈按之來緩。而時一止。復來者。名曰結。又脈來動。而中止更來。小數中有還者。反動。名曰結陰也。又來蕩蕩如車蓋者。名曰陽結也。又脈累累如循長竿者。名曰陰結也。此皆仲景所言結脈。為邪氣留結。其氣虛敗。陰陽鬱結。不能相榮也。脈來動而中止。不能自還。因而復動。名曰代陰也。此真氣衰極。脈不能自還。因陰陽呼吸。相引復動。心中悸動。因脈結代。故知為真陰氣虛少。陽氣衰敗。故與炙甘草為君。人參大棗為臣。以補元氣之不足者。以桂枝生薑之辛。而益正氣為佐。以麥門冬阿膠麻子仁地黃之甘。潤經益血。而補其陰為使。以清酒為引。而能通以復脈者也。

芍藥甘草附子湯 八十六

治發汗病不解。反惡寒者。虛故也。此方主之。

芍藥 君

甘草 臣

各三兩

附子 佐

使一枚 炮

右三味。以水五升。煮取二升。去滓分溫服。

湯議

議曰。發汗後病解。則不惡寒。病不解。表實。亦不惡寒。今此大汗出。又反惡寒。其脈微弱者。為榮衛虛者也。若非大汗出。而又惡寒。其脈沉微。無熱證者。不可服也。

茯苓甘草湯 八十七

治傷寒汗出而渴者。五苓散主之。不渴者。此方主之。

茯苓君桂枝各二兩甘草一兩生薑三兩
右四味以水四升煮取二升去滓分溫服。

湯議

議曰傷寒汗出不惡風渴而飲水者屬人參白虎湯若汗出而渴脈浮小便不利者屬五苓散今此汗出不渴者為邪不傳裏但在表而表虛也故與茯苓為君而益津和甘草為臣輔之以桂枝為佐生姜為使二者之辛而固衛氣者也。

黃連湯八十八

治傷寒胸中有熱胃中有邪氣腹中痛欲嘔吐者此方

主之。

黃連六兩甘草二兩乾姜二兩桂枝各三兩

人參二兩半夏各三兩大棗十二枚

右七味以水一斗煮取六升去滓溫服。

此即半夏瀉心湯中加桂枝也。

湯議

議曰濕家下後舌上如胎者以丹田有熱胸中有寒是邪氣入裏而為下濕上寒也此傷寒邪氣傳裏而為下寒上熱也胃中有邪氣使陰陽不交陰不得升為下寒故腹中痛陽不得降為上熱故欲嘔吐也故與半夏瀉心湯中加

桂枝。升降陰陽之氣也。為下痛。故去黃芩。經曰。上熱者泄之以苦。下寒者散之以辛。故用黃連為君。以治上熱。乾姜桂枝半夏以散下寒為臣。人參大棗甘草之甘。以益胃而緩其中也。

黃連阿膠湯 八十九

治少陰病得之二三日以上。心中煩。不得臥者。主之。

黃連 四兩 阿膠 三兩 芍藥 二兩 黃芩 一兩

雞子黃 二兩

右以水先煮三物。減半。去滓。內膠烱盡。小冷內雞子黃。攪令相得。溫服。

湯議

議曰。少陰三日以上。心中煩不得臥者。乃寒極變熱也。熱煩於內而然。故用黃連為君。黃芩為臣。以除內熱。而陽有餘。以阿膠雞子黃之甘。以補陰不足為佐。芍藥之酸。收陰氣而泄邪熱為使也。

乾薑 人參 湯 九十

治傷寒本自寒下。醫復吐下之。寒格更逆吐下。若食入

口即吐者。主之。

乾薑 黃芩 黃連 人參 各三兩

右四味。以水六升。煮取三升。去滓溫服。

湯議

議曰。傷寒本自寒下。其人下虛也。醫復吐下之。寒格更逆。損傷正氣。內為格拒。則陰陽不通。食入口即吐也。寒格更逆吐下者。是醫不知。又復吐下。則重虛而死也。故用乾薑為君。以散逆氣。而調其陽。辛以散之也。以黃連為臣。而和其陰。黃芩為佐。以通寒格。苦以泄之也。以人參為使。而和其中。補益真氣。甘以緩之也。

金鏡內臺方議卷九終

金鏡內臺方議卷十

建安許弘集

桃花湯 九十

治少陰病下利便膿血者。此方主之。
又少陰病二三日。腹痛小便不利。下利不止。便膿血者。主之。

赤石脂 煎一個半末 乾薑 一兩 粳米 一升
右三味。以水七升。煮令米熟。去滓內石脂末。分溫服。

湯議

議曰。陽病。下利便膿血者。為叶熱也。屬白頭翁湯。少陰病。

下利便膿血者。為下焦不約而裏寒也。故用赤石脂為君。而固腸胃。瀋可去脫也。乾薑為臣。散寒溫氣。辛以散之也。粳米為佐使。以補正氣。而安其中。甘以緩之也。

猪膚湯 九十二

治少陰病。下利咽痛。胸滿心煩者。主之。

猪膚 一斤 白蜜 一斤 白粉 五分

右以水一斗。煮去五升。去滓。內蜜粉。熬香和得所。分溫服。

湯議

議曰。少陰之病。循咽。若陽經之邪。傳於少陰者。則必咽痛。

乃陰虛客熱所結也。故胸滿心煩。而自下利。故與猪膚為君。入少陰之經。而解客熱也。以白粉為佐。白蜜為使。潤燥除煩。而止利也。

桔梗湯 九十三

治少陰病咽痛者。與甘草湯。不差者。與桔梗湯。

桔梗 一兩 甘草 二兩

右二味。以水三升。煮取一升。去滓服。

湯議

議曰。少陰咽痛者。與甘草湯。不差者。是邪氣結甚。甘草不能下也。故用桔梗為君。桔梗能浮而治上焦。利肺痿。為

衆藥之舟楫也。以甘草為臣佐。合而治之。其氣不下也。

議咽痛可刺

議曰。少陰之脈。與陰蹻合而行之。少陰之氣。上結於咽。則陰蹻之脈。亦下結於踝也。下結不通。縱服藥而無効。亦必須於陰蹻照海針之。則已也。

苦酒湯 九十四

治少陰咽中傷生瘡。不能言語。聲不出者。主之。

苦酒 半夏十四枚 雞子白一枚

右三味內雞子殼中。安火上。令三沸。去滓服。不差者作三服。

湯議

議曰。少陰客熱所暴。則傷於經絡。乾澀使咽中生瘡。不能言。聲不出。故用苦酒為君。酸以斂瘡。半夏為臣。辛以散結。雞子為使。以緩咽痛而潤其燥也。

白頭翁湯 九十五

治熱利下重。及下利欲飲水者。主之。

白頭翁二兩 黃連臣 黃柏佐 秦皮使

右四味煎服

湯議

議曰。大利後津液少。熱氣不散。則廣腸燥澀。而下重也。下

重者欲下不出之意。今此厥陰條中所載熱利下重。渴而欲飲水者。乃陰虛生熱之盛也。亦必用苦寒之劑治之方已。非可作陰虛而用溫劑也。故用白頭翁為君。黃連為臣。黃柏為佐。秦皮為使。以此四味寒苦之劑。而治下利之証者。知其熱甚於內。苦以泄之也。

半夏散及湯 九十六
治少陰咽中痛者。主之。

半夏 桂枝 甘草 等分

右三味。以水三升。先煮半夏。減升半。內二味。又取一升。小冷少咽之。

湯議

議曰。甘草湯。治少陰客熱也。桔梗湯。治少陰寒熱相搏也。半夏散及湯。治少陰客寒也。三者皆主咽痛。各分所用也。以此半夏為君。桂枝為臣。辛以散之也。甘草為佐使。甘以緩之也。

枳實梔子湯 九十七

治大病瘥後勞復者。主之。若有宿食者。加大黃。

枳實 三枚 梔子 十四枚 豉 一升

右三味。以清漿七升。空煮取四升。內枳實梔子取二升。下豉更煮五六沸。去渣。分溫服。覆取微汗。

湯議

議曰大病新瘥未滿百日。氣血未平。若妄勞力而又發熱者。為勞復。食肉太早。過傷谷氣。發熱者。為食復。今此方通主之者。以枳實為君。而下氣。以梔子為臣。而散勞熱。以致為佐。而泄熱。若有宿食者。加大黃以利之也。此本梔子豉湯加枳實則應吐。今反取汗者。乃熱聚於表。苦以發之也。竹葉石膏湯九十八

治傷寒解後。虛羸少氣。逆欲吐者。及虛煩客熱不退者。主之。

竹葉 二把 石膏 一升 半夏 人參

麥門冬 各四兩 甘草 二兩 粳米 半升

右七味。以水一斗。煮取六升。去滓內米。取米熟去米。溫服。

湯議

議曰。傷寒解後。虛熱不盡。則少氣逆與吐也。故用竹葉為君。石膏為臣。以解虛熱。內客也。以半夏為佐。以治逆氣。欲吐者。以人參粳米。甘草門冬四者之甘。以補不足。而緩其中也。

茵陳蒿湯 九十九

治陽明病。發熱汗出。此為熱越。不能發黃也。但頭汗出。

身無汗。齊頸而還。小便不利。渴欲飲水漿者。此為痰熱在裏。身必發黃。此方主之。

又傷寒七八日。身黃如橘子色。小便不利。腹微滿者。此方主之。

茵陳蒿 六兩 梔子 十四 大黃 二兩

右三味。以水一斗。先煮茵陳。減二升。內二味。煮取三升。去滓分溫服。小便當利如皂角汁狀。一宿腹減。黃從小便出也。

湯議

議曰。陽明者。為胃之土。其色黃。若發熱汗出者。為熱氣得

越。不能發黃也。但頭上汗出。齊頸而還者。乃熱氣不得越也。小便不利。渴飲水漿者。乃熱甚於胃。津液內凝結為黃也。故用茵陳蒿為君。能治黃。梔子為臣。能治黃寒以治熱也。以大黃為佐使。以下泄痰熱。而除其黃也。

蜜煎導方 一百

治陽明病。自汗出多。若發汗。小便自利者。此為津液內竭也。大便雖硬不可攻之。當須自欲大便宜蜜煎導而通之。若土瓜根及與大猪膽汁。皆可為導也。

蜜 五合

右將蜜於銅器中。微火煎之。稍凝似飴狀。攪之勿令

焦滴水。中堅凝可用。蘸皂角末捻作杖。以猪膽汁或油潤谷道內之。少頃欲大便乃去之。又猪膽汁方。用猪膽一二枚。以小竹管。挿入膽口留一。須用油潤內。入谷道中。以手將膽捻之。其汁自入。內一食頃。當大便下。又用土瓜根削如指狀。蘸猪膽汁內。入谷道中亦可用。

湯議

識曰。大便不通者。必用下之。有下之而不得通者。有津液內竭。腸胃乾燥。大便因硬。不可通者。此非結熱也。故立是法而用之。

猪膽汁方 一百一

見上同

金鏡內臺方議卷十終

金鏡內臺方議卷十一條其心外限海
五苓散 一百二

治發汗後煩渴欲飲水者主之。

茯苓 猪苓 白朮 各一兩 澤瀉 二兩 桂枝

右五味為末以白湯調服多飲煖水出汗愈。

湯議

議曰發汗後煩渴飲水脈洪大者屬白虎湯發汗後煩渴飲水內熱實脈沉實者屬承氣湯今此發汗後煩渴欲飲水脈浮或有表小便不利者屬五苓散主之五苓散乃汗

後一解表藥也。以此方中云覆取微汗是也。故用茯苓為君。猪苓為臣。二者之甘澹。以滲泄水飲內蓄。而解煩渴也。以澤瀉為使。鹹味泄腎氣。不令生消渴也。桂枝為使。外能散不盡之表。內能解有餘之結。溫腎而利小便也。白朮為佐。以其能燥脾土。而逐水濕也。故此五味之劑。皆能逐水而祛濕。是曰五苓散。以其苓者令也。通行津液。對伐腎邪。號令之主也。

五苓散戒

陽明自汗引飲。則五苓散不可輕進。且陽明自汗者。則津液燥。為急下之證。若更利其小便。則誤也。

五苓散証

太陽病。發汗大汗出。胃中乾。煩燥不得眠。欲得飲水者。少與之飲。令胃氣和則愈。若脈浮小便不利。微熱消渴者。五苓散主之。

發汗已脈浮數煩渴者。五苓散主之。

中風發熱。六七日不解而煩。有表裏証。渴欲飲水。水入則吐者。名曰水逆。五苓散主之。

本以下之故。心下痞。與瀉心湯。痞不解。其人渴而口燥煩。小便不利者。五苓散主之。

霍亂病。頭疼發熱。身痛熱多。欲飲水者。五苓散主之。

疑問

問曰。五苓散方。皆治裏證。又曰。覆取汗。何也。

答曰。五苓散。乃汗後一解表藥也。且傷寒發汗後當解。今此不解者。為有內熱。煩渴飲水。又加餘表不能盡解也。若與桂枝湯。又干內熱。若與白虎湯。又兼有表。故與五苓散。中用桂枝取微汗。以兩解也。且白虎湯亦曰。汗後一解表者。乃表實自汗出不惡風。而煩渴引飲者。所設也。

問曰。五苓散中用桂者。有用桂枝者。何耶。

答曰。此兩用也。若兼表者。用桂枝。若專利水飲者。却用桂也。

四逆散 百三

治少陰病四逆。其人或欬。或悸。或小便利。或腹中痛。或泄利下重者。主之。

甘草

枳實

柴胡

芍藥 等分

右四味。為細末。白飲和服。

湯議

議曰。四逆者。乃手足不溫也。四厥者。乃寒冷之甚也。四厥為陰寒之邪。四逆為傳經之邪。自陽熱已退。邪氣不散。將欲傳陰而未入也。此只屬陽。故與涼劑以治之。用甘草為君。以和其中。而行其四末。以枳實為臣。而行結滯。以芍藥

為佐而行榮氣以柴胡為使而通散表裏之邪也。

加減法

若咳者加五味子乾薑各一兩并主下痛。

肺氣逆則咳加五味子之酸以收逆
加乾薑之辛以治寒兼痢同用也。

若悸者加桂枝五分。

氣虛不能通行心氣則心下築
築而動悸也桂枝入心故用之。

若小便不利者加茯苓五分。

茯苓能滲泄
而利小便也。

若腹中痛者加白芍藥五分。

古金鏡方中用白芍藥以其能止痛後人改作附子。

若泄利下重者先以水五升煮薤白三升去滓內散五分再取煮一升半分溫服。

加薤白以下
焦之滯氣也。

瓜蒂散 一百四

治病如桂枝證頭不痛項不強寸脈微浮胸中痞硬上冲咽喉不得息者此為胸中有寒也當吐之。

瓜蒂 二錢 赤小豆 三錢 豉

右二味各搗為末合治取一錢匕以香豉一合煮取湯和散溫服之不吐者少加得快吐乃止。

瓜蒂散戒

瓜蒂散

諸亡血家。血虛家。皆不可吐也。昏憤者。亦不可吐。

湯議

議曰。發熱汗出惡風。病如桂枝湯證也。今此頭却不痛。項不強。寸脈微浮。胸中痞鞅。氣上冲咽喉。不得息者。此非桂枝證。乃寒邪客於胸中。而不在表也。故用瓜蒂為君。味苦寒。赤小豆為臣。味酸溫。淡豉為佐為使。三者之酸苦。合而用之。以吐其上膈之實也。經曰。酸苦湧泄為陰。此其用焉。

文蛤散 一百五

治病在陽。應以汗解之。反以冷水溼之。若灌之。其熱被劫不得去。彌更益煩。肉上粟起。意欲飲水。反不渴者。服

文蛤散。若不差者。與五苓散。寒實結胸。無熱證者。與三物小陷胸湯。白散亦可服。

文蛤 五兩

右一味為末。以沸湯調一錢服

白散 一百六

桔梗 貝母各五錢 巴豆一錢 去皮心熱黑 研如脂和上二味

右三味相和。以白飲和服。量虛實用之。病在膈上。必吐。在膈下。必利。不利進熱粥一杯。利過不止。進冷粥一杯。

湯議

附錄方論 卷十一
議曰。病在陽者。為邪在表。法當汗出而解。反以冷水溼之。或灌注。其熱被寒水所劫。外不得出。則反攻其裏也。彌更益煩。肉上粟起者。乃寒水之氣。客於皮膚也。意欲飲水者。裏有熱也。反不渴者。寒在表也。故與文蛤一味。以散表中寒水之氣。若不差者。是水熱相搏。欲傳於裏也。故與五苓散。發汗以和之。若心下鞅滿者。乃水寒之氣結。而成寒實結胸也。故與小陷胸湯破之。如不應。與白散泄利也。若咽膈阻塞者。與枳實理中丸。亦可取功也。

燒視散 一百七

治陰陽易

右取男女中視近陰處。剪燒灰。以水和服方寸匕。日三服。小便即利。陰頭微腫則愈。

湯識

識曰。大病新瘥。氣血未復。餘熱未盡。強合陰陽。故曰易也。易者。如換易也。故與視中隱處燒灰服之。以復其氣也。男病用女者。女病用男者。此以陰陽復易之義也。

牡蠣澤瀉散 一百八

治大病瘥後。從腰以下有水氣者。主之。

牡蠣 澤瀉 栝蒌根 蜀漆 高陸根

葶藶 海藻 等分

附錄方論

卷十一

六

右七味為末。白飲和服。小便利。止後服。

湯鐵

議曰。大病瘥後。脾胃氣虛。不能制約腎水。水溢下焦。腰以下為腫也。故當利其小便。以牡蠣為君。澤瀉海藻為臣。三味之賦。能入腎而泄水氣。以葶藶商陸為佐。苦以堅之。以括萎枳之苦寒。蜀漆之酸寒為使。讓苦以泄其下。而除濕腫也。

金鏡內臺方議卷十一

金鏡內臺方議卷十二

建安許弘集

理中丸 一百九

治霍亂病。嘔吐泄利。寒多不飲水者。

人參 白朮

甘草

乾薑各三兩

右四味為末。以蜜丸彈子大。沸湯調服。若只吐。用水煎服。右理中湯。

加減法

若臍上築者。腎氣動也。去朮加桂枝四兩。

脾虛則腎氣發動。故臍上築也。朮能壅氣。故去之。桂泄奔豚氣。加之。

若吐多。去朮加生薑三兩。

生薑止嘔。辛以散之也。嘔家不喜朮。故去之也。

若下多者。加白茯苓二兩。

茯苓之甘澹。能利水止泄也。

渴欲得水者。加參朮各一兩半。

內虛則痛。加人參以補之。不止者。加黃芩芍藥則止。

寒者。加乾薑一兩半。

寒淫所勝。平以辛熱。

腹滿者。去朮。寒甚者。加附子一枚炮。服湯後如食頃。熱粥一升許。微自汗。勿發揭衣被。

腎虛則腹滿氣壅。甘令中滿。故去朮。加附子以補陽。若脈微手足厥逆。惡寒內甚者。加附子。

方議

議曰。霍亂者。乃一時之間。揮霍悶亂。上吐下泄者。是也。若頭痛發熱。身疼痛。熱多欲飲水者。邪生於陽也。屬五苓散。與外臺和中湯。以散之。若脈微小。寒多不用水者。邪發於陰也。屬理中丸湯。甚者加附子主之。經曰。脾欲緩。急食甘以緩之。故用人參為君。補中正氣。以甘草為臣。輔之也。以白朮為佐。正氣固中。以乾薑為使。溫脾散寒。經曰。寒淫所勝。平以辛熱。是也。

烏梅丸 百十

治傷寒脈微而厥。至七八日膚冷。其人躁無暫安時者。此為臙厥。非虵厥也。虵厥者。其人當吐虵。今病者靜而復時煩。此為臙寒。虵上入膈。故煩須臾復止。得食而嘔。又煩者。虵聞食臭出。其人當自吐虵。虵厥者。此方主之。

烏梅 細辛 附子 桂枝 人參

黃蘗 當歸 川椒各七錢 黃連 二兩 乾薑 一兩

右十味。各搗篩合治之。治苦酒漬烏梅一宿。去核蒸之搗爛。和藥令相得。內白中加蜜。杵千餘丸。如梧桐子大。空心飲湯服三十九。加至五十九。禁生冷物惡臭。

方議

議曰。虵厥者乃多死也。其人陽氣虛微。正元衰敗。則飲食之物不化精。反化而為虵蟲也。虵為陰蟲。故知陽微而陰勝。陰勝則四肢多厥也。若病者時煩時靜。得食而嘔。或口常吐苦水。時又吐虵者。乃虵証也。又腹痛脈反浮大者。亦虵證也。有此當急治。不治殺人。故用烏梅為君。其味酸。能勝虵。以川椒細辛為臣。辛以殺蟲。以乾薑桂枝附子為佐。以勝寒氣。而溫其中。以黃連黃柏之苦。以安虵。以人參當歸之甘。而補緩其中。各為使。且此虵蟲為患為難。比寸白等蟲劇。用下殺之劑。故用勝制之方也。

大陷胸丸 百十一

治結胸證。項亦強。如柔瘕狀。下之則和。此方主之。

大黃 一兩 芒硝

葶藶

杏仁 去皮各四兩

右四味搗篩。外以杏仁芒硝和如泥。別搗甘遂末一錢和勻。以少熟蜜共丸如彈子大。以沸湯調服。一宿乃下。不下更服。取下為效。禁如藥法。

方議

議曰。結胸之證。亦載大陷胸湯中詳矣。今此大陷胸丸者。與方議同。但加杏仁葶藶二味。以蜜為丸者。取其緩也。若證急者用湯。緩者用丸也。

抵當丸 百十二

治傷寒有熱小腹滿。應小便不利。今反利者。為有血也。當下之。

抵當湯中減水蛭十條。

右四味。另搗水蛭蠶蟲。外將杏仁浸去皮搗爛。和五味。加少熟水。和勻丸如彈子大。每一丸以水一升。煮之取七合服。當取下血。不下更服。

方議

議曰。抵當湯治證之急者用之。抵當丸乃治證之緩者用之。今此雖是血證。為無身黃屎黑。喜忘發狂。未至於甚。故

只用抵當湯減水蛭為末作丸子之取其性之緩也。
麻仁丸百十三

治跌陽脈浮而濇。浮則胃氣強。濇則小便數。浮濇相搏。大便則難。其脾為約。此方主之。

麻子仁 四兩 杏仁 六兩 芍藥 枳實 各二兩
厚朴 三兩 大黃 八兩

右六味為末。以杏仁浸去皮。搗爛如蜜。杵千餘下。丸如梧桐子大。熱水下五十九。

議曰。跌陽脈者。乃脾胃之脈也。脈不當浮。今反浮者。若非

胃氣虛。則胃氣強也。浮而濇者。為胃氣燥。大便則難。其脾為約。約而束也。此必汗出多。走亡津液。胃氣燥濇。大便不得通也。跌陽脈浮者。雖大便難。尤不可以用大承氣等湯下泄之者。仲景故配以麻仁丸方。以潤導之也。故用麻仁為君。杏仁為臣。二者能潤燥也。以枳實厚朴。能調中散結。氣為佐。以芍藥之酸。能斂津液。大黃之苦。能泄能下。二者為使。以通導而引潤下也。

性温。補中益氣。而緩者。

人參 洗淨用

膠飴 即錫糖也

黃芪 蜜炙

雞子 或用黃或白

白蜜 白砂糖

米粉 即粳米粉

性輕而温。能發汗者

麻黃 去根節湯煮一項再洗用

通草

甘草 治陰病者炙。治陽病者生。

大棗 去核用

阿膠 治熱病者生用。治補者炒成珠。

猪膚 雄猪皮膚

蜂蜜 慢火熬

蔥白 去青用白

性輕而涼。發汗利水道者。

葛根 生用

竹葉 生用

性涼。能入榮氣者。

芍藥 赤者瀉熱病用。白者補虛用。

性温。能補榮氣者。

當歸 頭止血身養血。尾破血。

性温味辛。能利氣潤燥者。

杏仁 水浸去皮尖

薤白 去青

猪苓 生用

薏花 生用

桃仁 去皮尖

麻仁 取淨

性温。能破結利氣者。

茯苓去皮白補赤瀉

性平。能安中利水道者。

紫胡

黃芩

知母

升麻

姜蕤

俱洗淨生用

性寒。能治諸熱在裏者。

黃連

黃柏

白頭翁

秦皮

茵陳

俱洗淨生用

生地黄

洗淨生搗汁用

梔子

去殼

猪膽

取汁

枯蔓根

生用

石膏

研碎生用

麥門冬

去心

性寒。能治諸熱在上者。

葶歷

研爛

桔梗

生用

枯薑實

搗碎生用

天門冬

去心

性寒。能治諸熱在下者。

連軛

洗生用

蜀漆

即常山

梓白皮

去皮生用

高陸

生用

赤小豆

生用

用藥性品製用

性寒。能泄水氣者。

海藻 洗生用

澤瀉 生用

文蛤

性寒。能下泄熱氣者。

大黃 有炮有生

芒硝 去泥

性烈。能下泄水氣者。

芫花 洗淨水煎乾用

大戟 水煎再

甘遂 炮

巴豆 去殼皮

性烈。能破血者。

水蛭 洗炙

蠶蟲 洗

性瀉。能止固津液者。

牡蠣 煨成粉

龍骨

石脂 生用

性重。能下鎮迫者。

代赭石 煨

鈿丹 煨

禹餘糧 煨

性寒味苦。能宣吐者。

瓜蒂

淡豆豉 江西出

性酸。能收斂者。

烏梅 去核

五味子 生用

用藥性品製用

苦酒

性平。能下肺氣者。

貝母去心

附用藥加減法

有汗。不得服麻黃。無汗。不得服桂枝湯。無汗喜渴。不得用白虎湯。陽明自汗引飲。不得用五苓散。大陽自汗數尿。勿妄投桂枝湯。諸脈浮者。不得用大黃并下法。諸脈沉者。不得用發汗。諸陽脈不得用薑附。燥渴者。除半夏加枯姜根。腹痛者。減黃芩加芍藥。動氣者。去朮加桂。小便不利者。加茯苓。小便數者。去桂茯苓。加芍藥。中滿者。去甘味。下利者。

勿發汗。病人舊微溇者。勿用梔子豉湯。嘔家勿用建中湯。傷寒諸下法。不得用丸子。服下泄藥後。不得用補藥。傷寒病已愈後。雖四肢虛弱無力。不得用補藥。

論分兩

傷寒方中。乃古分兩與今不同。詳載之。

咬咀 咬咀者。即今之剉。如麻豆大。

散 散者。即今之為末也。

銖 曰銖。二十四銖為一兩。

兩 曰兩。古之三兩。為今之一兩。

分 曰一分者。即今之二錢半也。

內臺方議 用藥性品製用

升曰水一升即今之一茶盞也。加半夏五味子一升即今之一兩。古之三兩。


筒曰杏仁七十筒。乃今之七錢半。

七曰一七者用小錢挑一字上為法。

金鏡內臺用藥性品製用

終

右明許宏所著。釋張仲景一百十三方。雖以成氏註解為主。別有所闡明。而宏以仲景之書。稱金鏡內外臺方。然諸家簿錄。未見其目也。考唐以來三司監院官。帶御史者為內臺。帶諸道行御史者為外臺。又魏薛夏報王肅書云。蘭臺為外臺。秘書為內閣。臺閣一也。王燾撰方書。以其時知弘文館圖籍。故命以外臺。其義固不干於醫家。仍謂宏所命當無深意。不過若稱內外篇。一時表異耳。宏字宗道。建安人。幼業儒。而隱於醫。奇證異疾。醫之輒効。又工詩文。寫山水。皆臻其妙。事履詳于縣志。所著又有湖海奇方八卷。自序題永樂二十年歲在壬寅。



研字
卷之三十三

研字
卷之三十三

研字
卷之三十三

